

兩浙名賢錄

兩浙名賢錄卷四十八目次

方技

漢

趙公阿炳

謝堯卿夷吾

韓叔儒說

三國吳

吳文則範

曹弗典

晉

嚴卿

賀思令

戴國流洋

王敬伯

賀道養

宋齊梁陳

光祿大夫孔靈產

吳典令賀道力

謝參軍善助

夏赤松

濮陽太守徐熙

徐秋夫

蘭陵太守徐道度

杜道鞠范悅時
褚欣遠褚觀附

徐常侍文伯

正員郎徐叔紹嗣伯

兗州刺史徐之才

智永

驃騎大將軍姚法衛僧坦

父善提附

隋

舒綽

廷尉卿沈法朗僧昭

吳嶠

唐

沈七

陳昭

徐維嶽嶠之

辨才

陳閔

孫處士位

五代

吳仁璧女

陸晃

啓希
雅附

宋

書學博士孫景璠

王肇卿伋

吳傅朋說

李明甫

毛會

釋仁

進士盧碩父鴻

吳應能

張司農習之

范復初疇

項彥升舉之

金紫良醫陳沂

太醫丞錢仲陽乙

韓澹

宋彥誠棟

王彥昭克明

工部侍郎馬和之

邢氏

富春子孫守榮

耿聽聲

書院待詔林椿

進士錢舜舉選

劉松年

書院待詔李嵩

從子永年附

待詔夏禹玉珪

子春附

書院祇候樓觀

馬遠是子麟附

夏目源

羅子敬知悌

嵇仁伯清

趙必復初暘

李立之

毛存

毛梓孫

元

張德元

馮道助

陳宗山

鮑原禮敬

楊子固維翰

張慶庚

劉資深

黃明附

黃子又公望

吳先生

秦州知州王叔明蒙

金應桂

吳益思睿

陳仲美琳

馮君道

王思善繹

承應法師陳可復

王若水淵

錢九五

孤雲居士王振鵬

僧若芬

仁濟附

莫起炎月鼎

抱一翁項彥韋昕

兩浙名賢錄卷四十八目次終

兩浙名賢錄卷之四十八

東海徐象梅仲和氏誤

稿李屠中孚德胤氏閱

方技

漢 共三人

趙公阿炳

趙炳字公阿東陽人能爲越方以氣禁人人不能起禁
虎虎伏地低頭閉目便可繞縛以大釘釘柱入尺許以
氣吹之釘即躍出射去如弩之發機以盆盛水吹氣作

禁魚龍立見時遭兵亂疾疫大起與國人徐登遇於烏傷溪上相謂曰今既同志且可各試所能登乃禁溪水水爲不流炳復禁枯木木卽生萑二人相視而笑共行其道貴尚清儉禮神惟以東流水爲酌削桑皮爲脯但行禁術所療皆除後登物故炳東入章安百姓未之知炳乃故升茅屋支鼎而爨主人驚懼炳笑不應旣而爨熟屋茅無損又嘗臨水求渡船人不許炳乃張蓋坐其中長嘯呼風亂流而濟於是百姓神服從者如歸後後人爲立祠於永康至今蚊蚋不能入

謝堯卿夷吾

謝夷吾字堯卿會稽山陰人也少爲郡吏學風角占候太守第五倫擢爲督郵時烏程長有咸彘倫使收案其罪夷吾到縣無所驗但望闕伏哭而還一縣驚怪不知所爲及還白倫曰竊以占候知長當死近三十日遠不過六十日遊魂假息刑無所加故不收之倫聽其言至月餘果有驛馬齋長印綬上言暴卒倫以此益禮信之舉孝廉爲壽張令遷荊州刺史豫尅死日如期果卒勅其子曰漢末當亂必有發掘露骸之禍使懸棺下葬墓

而不墳。

韓叔儒說

韓說字叔儒，會稽山陰人也。博通五經，尤善圖緯之學。果孝廉，與議郎蔡邕友善，數陳災眚及奏賦誦連珠，稍遷侍中。光和元年十月，說言於靈帝云：「其晦日必食，乞百官嚴裝，帝從之。果如所言。中平二年二月，又上封事，尅期宮中有災。至日，南宮大火。遷說江夏太守，以公事免。年七十卒於家。」

三國異

共二人

吳文則範

吳範字文則，會稽上虞人也。以治曆數，知風氣，聞於郡中。舉有道詣京都。世亂不行，會孫權起於東南，範委身服事。每有災祥，輒推數言狀其術多效，遂以顯名。初，權在吳，欲討黃祖，範曰：「今茲少利，不如明年。」明年戊子，荆州劉表亦身死，國亡。權遂征祖，卒不能克。明年軍出行，及潯陽，範見風氣，因請船，賀權兵急行。至即破祖，祖得夜亡，權恐失之，範曰：「未遠，必生禽祖。」至五更中，果得之。劉表竟死，荆州分割。及壬辰歲，範又自言：「歲在甲午，劉

備當得益州。後呂岱從蜀還，遇之白帝，說備部衆離落，死亡且半，事必不克。權以難，範曰：「臣所言者，天道也。」而岱所見者，人事耳。備卒得蜀，權與呂蒙謀襲荊州。權之近臣多曰：「不可。」權以問範，範曰：「得之，後羽在麥城，使請降。」權問範曰：「竟當降否？」範曰：「彼有走氣，言降詐耳。」權使潘璋邀其徑路，規候者還白羽已去。範曰：「雖去，亦免。」問其期，曰：「明日月中。」權立表下漏以待之。及中不至，權問其故，範曰：「時尚未正中也。」頃之，有風動，惟範拊掌曰：「羽至矣。」滇史外稱萬歲傳言得羽，後權與魏爲好，範

曰以風氣言之彼以貌來其實有謀宜爲之備劉備盛
兵西陵範曰後當和親終皆如言其占驗明審如此
權以範爲騎都尉領太史令數從訪問欲知其決範秘惜
其術不以至要語權權以是恨之初權爲將軍時範嘗
白言江南有王氣亥子之間有大福慶權曰若終如言
以君爲侯及立爲吳王範時侍宴曰昔在吳中嘗言此
事大王憶之邪權曰有之因呼左右以侯綬帶範範知
權欲以厭當前言輒手推不受後論功行封以範爲都
亭侯詔臨當出權志其愛道於已也削除其名黃武五

年病卒。長子先死。少子尚幼。於是業絕。權追思之。募三州有能舉知術數如吳範者。封千戶侯。卒無所得。

曹弗典

曹弗典。吳興人。善書。名冠一時。時有吳範。善曆數。劉渚善星文。趙達善筭。嚴武善奕。朱壽善占。夢皇象善書。項姬善相。并弗典。書稱爲人絕。嘗書赤龍以獻孫皓。後宋文帝時大旱。取弗典赤龍。置水傍。應時得雨。

晉 共五人

嚴卿

嚴卿會稽人也善卜筮鄉人魏序欲暫東行荒年多掠盜令鄉筮之卿筮曰君慎不可東行必遭暴害之氣而非劫也序不之信卿曰既必不停宜以禳之可索西驛外獨母家白雄狗繫着船前求索止得駭狗無白者卿曰駭者亦足然猶恨其色不純當餘小毒正及六畜輩耳無所復憂序行半路狗忽然作聲甚急有如人打之者比視已死吐黑血斗餘其夕序墜上白鷲數頭無故自死而序家無恙

賀思令

賀思令會稽人善彈琴嘗夜坐月中臨風鳴絃忽有一人形貌甚偉着械有慘色在中庭稱善便與交語自云是嵇中散謂賀云卿下手極快但於古法未備因授以廣陵散賀遂傳之今世所傳譜是也

戴國流洋

戴洋字國流吳興長城人也年十二遇病死五日而蘇說死時天使以爲酒藏吏投符籙給吏從幡麾將上蓬萊崑崙等山既而遣歸逢一老父謂之曰汝後當得道爲貴人所識及長遂善風角爲人短陋無風望然好道

術妙。占候卜數。吳末爲臺使。知吳將亡。託病不仕。及吳平。還鄉里。都水馬武舉洋爲都水令。史陳眭問洋曰。人言江南當有貴人。顧彥先周宣珮當是不。洋曰。顧不及。騰周不見。來年八月。榮果以十二月十七日卒。十九日。騰珮以明年七月晦亡。王導遇病。召洋問病。洋曰。君侯本命在申。金爲土使之主。而於申上石頭立冶火。光照天。此爲金火相燦。水火相煎。以故受害耳。導卽移居東府。病遂差。元帝將登祚。使洋擇日。洋以爲宜用。三月二十四日丙午。太史令陳卓奏用。二十二日言昔越王

用甲辰三月反國范蠡稱在陽之前當主上下盡空德
將出游刑入中官今與此同洋曰越王爲吳所囚雖當
時遜媚實懷怨憤蓋故用甲辰乘德而歸留刑吳官今
天王內無含咎外無怨憤當承天洪命納祚無窮何道
越王去國留殃故事邪乃從之及祖約代兄鎮譙請洋
爲中典軍遷督護永昌元年四月庚辰禺中時有大風
起自東南折木洋謂約曰十月必有賊到譙城東至歷
陽南方有反者主簿王振以洋爲妖白約收洋付刺姦
而絕其食五十日言語如故約知其有神術乃赦之而

讓振振後有罪被收洋救之約曰振往月相繫今何堪
救之洋曰振不識風角非有宿嫌振往時垂箠死洋養
活之振猶尚遺忘夫處富貴而不弃貧賤甚難約義也
卽原振賜洋米三十石至十月三日石勒騎果到譙城
東洋言於約曰賊必向城父可遣騎水南追之步軍於
水北斷要路賊必敗約不聽賊乃掠城父婦女輜重而
去約將魯延求追賊洋曰不可約又不聽使兄子智與
延追之賊僞弃婦女輜重走智與延等爭物賊還掩之
智延僮以身免士卒皆死時梁國人反逐太守袁晏

城峻險，約欲討之而未決。洋曰：賊以八月辛酉日反，辰俱王，辛德在南方，酉受自刑，梁在譙北，乘德伐刑，賊必破亡。又甲子東風而雷西行，譙在東南，雷在軍前，爲軍驅除，昔吳取荊州，天雷在前，周瑜拜賀，今與徒同，故知必尅。約從之，果平梁城。太寧三年正月，有大流星，東南行。洋曰：至秋，府當移壽陽，及王敦作逆，約問其勝，勝辰星若出，太白爲主，辰星爲客，辰星不階，太白爲客，先起兵者敗，今有客無主，有前無後，宜傳檄所部，應詔。

之約乃幸衆向令肥俄而敦死衆敗遂住壽陽府內地
忽赤如丹約問洋洋曰按河圖徵云地赤如丹流血九
九當有下犯上者恐十二月二十七日胡馬當來飲淮
水至時石勒騎果至攻城大戰咸和初月暈在角有赤
白珥約問洋洋曰角爲天門開布陽道官門當有大戰
俄而蘓峻遣使招約俱反洋謂約曰蘓峻必敗然其初
起兵鋒不可當可外和內嚴以待其變約不從遂與峻
反遣部將李槃將兵到廬江其衆潰散約懼召洋問之
曰吾還東何如留壽陽留壽陽何如入胡洋曰東人失

半入胡滅門留壽陽尚可約遂到歷陽尋而牽騰報約
約率所親將家屬奔於石勒卒爲勒所誅及親屬並盡
皆如洋言約旣死中郎將桓宣以洋爲叅軍將隨宣往
襄陽太尉陶侃留之住於武昌時歲鎮二星共合翼軫
勸侃伐秦以取中原會侃薨不果征西將軍庾亮代鎮
武昌復引洋問氣候洋曰武昌土地有山無林政可圖
始不可居終山作八字數不及九昔吳用壬寅來上剏
立宮室至巳酉還下秣陵陶公亦涉八年土地盛衰在
數人心去就有期不可移也公宜更擇吉處武昌不可

又佐五年亮令毛寶屯邾爲賊所陷亮問洋曰故當不
失石城不洋曰賊從安陸向石城逆太白當伐身無所
慮今乃不憂賊但憂公病耳亮曰何方救我疾洋曰荆
州受兵江州受災公可去二縣亮曰如此當有解不洋
曰恨晚猶差不也亮竟不能解二州遂至大困洋曰昔
趙峻時公於白石祠中祈福許賽一牛至今未解故爲
此鬼所考亮曰有之君是神人也或問洋曰庾公可得
幾時洋曰見明年時亮已不識人咸以爲妄果至正月
一日亮庾翼代亮洋復爲占候少時卒年八十餘所占

九
驗者不可勝紀。

王敬伯

王敬伯餘姚人善鼓琴仕爲東官扶侍嘗至吳郵亭樓舟中渚乘燭理琴見一女子披帷而入二女子從焉先施錦席於東床既坐取琴調之聲甚哀女子曰此曲所謂楚明光者也惟嵇叔夜能爲此聲自此以外傳習數人而已言訖忽不見敬伯自是琴理大進

賀道養

賀道養山陰人世以儒術顯而道養工卜筮經占論符

神人以此之管轄。里中有好女子，工歌，無病，忽死。道養爲筮之，卦成，笑曰：此非死也，天帝召之歌耳。諸人不信，道養乃取土塊，加其心上，俄頃而蘇，共質之。女子云：適爲黃衣吏所召，至帝所，見庭懸方作樂，聞命歌歌畢而返，殊無苦也。諸人駭服。

宋齊梁陳

共十七人

尤錄大夫孔靈產

孔靈產，山陰人。秦始皇中，爲晉安太守，有隱遁之志。於烏井山立館，專道精篤，頗解墨文，好術數。齊高帝輔政，述

攸之兵起，豐產白高帝曰：攸之兵衆雖強，以天時冥數而觀，無能爲也。高帝驗其言，遷光祿大夫，以鹿盧靈產上靈臺，令其占候。簡靈產白羽扇，素隱几，曰：君有古人之風，故贈君以古人之服。當世榮之，子珪別有傳。

吳興令賀道力

賀道力，山陰人，善草書，尺牘尤美。王僧虔曰：賀道力有重丘道護遺書賦云：道力草雄，國轉不窮，壯自躬。大楷瘦，遲少之流，通官終吳興令。

謝參軍善助

謝善勛山陰人工書爲湘東王府錄事參軍初齊末王
勳圖古今雜體有六十四書湘東又遣沮陽令韋仲定
爲九十一種善勛增其九法合成百體其中以八卦書
爲第一以大小爲兩法徑丈一字方寸千言善勛善飲
酒至數斗醉後輒張眼大罵雖復貴賤親疎無所擇也
時謂之謝方眼而胸襟夷坦有士君子之操

夏赤松

夏赤松會稽人文帝好碁於時江左能碁人瑯琊王抗
第一品吳郡儲思莊及赤松第二品赤松思遠善於大

行思莊思遲巧於閉基又云抗神速思莊巧遲抗取楚赤松閉子

濮陽太守徐熙

徐熙錢塘人仕至濮陽太守熙好黃老隱於秦望山有道士過求飲留一葫蘆與之曰君子孫宜以道術救世當得二千石熙開之乃扁鵲人鏡經熙因精心學之遂名震海內

徐秋夫

徐秋夫熙之子善治疾宅在吳溝橋東夜聞空中呻吟

聲甚苦。秋夫問何須。答言我東陽人。姓斯。名僧平。昔爲
樂遊吏。患腰痛死。今在湖北。雖爲鬼。苦亦如生。爲君善
醫。故來相告。秋夫曰。第女無形。何由治。鬼謂爲芻人。按
孔穴鍼之。秋夫如言。爲灸四處。又鍼肩井三處。設祭埋
之。明日見一人謝恩。忽然不見。當世服其通靈。

蘭陵太守徐道度

杜道鞠范悅時褚欣遠褚胤附

徐道度秋夫子能精父業。有脚疾不能行。宋文帝令乘
小輿入殿。爲諸皇子療疾。無不奇驗。仕至蘭陵太守。同
時有杜道鞠善彈碁。范悅時。褚欣遠皆善棋。書。褚胤善

奕棋宋文帝嘗曰天下有五絕而皆出於錢糖并遣度
醫也

徐常侍文伯

徐文伯道度子既精父業兼有學行高邁倜儻耻屈意
於公卿不以醫自業宋孝武路太后病衆醫不識文伯
診之曰此石博小腸也乃爲水刺消石湯病卽愈除鄧
陽王常侍遣以千金旬日恩意隆重宋明帝官人患屢
痛牽心每動輒氣欲絕衆醫以爲肉瘕文伯曰此髮瘕
以油投之卽吐得物如髮稍引之長三尺頭已成蛇能

欽掛門上滿畫一髮而已病都差宋後廢帝出樂遊苑門逢一婦人有娠帝亦善診診之曰此腹是女也問文伯文伯診之曰腹有兩子一男一女男左邊青黑形小於女帝性急便欲使剖文伯剛然曰若刀斧恐其變異請鍼之立落便寫足太陰補手陽明胎便應鍼而落兩兒相續出如其言

正員郎徐叔紹嗣伯

徐嗣伯字叔紹叔鸞子秋夫孫也有孝行善清言位正員郎諸府佐彌爲臨川王映所重時直閣將軍房伯玉

服五石散十許朝無益更患冷夏日常襖衣嗣伯爲診
之曰卿伏熱應瀉以水發之非冬月不可至十一月水
雪大盛令二人夾捉餽玉解衣坐石取冷水從頭澆之
盡二十斛伯玉口噤氣絕家人啼哭請止嗣伯遣人執
杖防闕敢有諫者搥之又盡水百斛伯玉始能動而覺
背上彭彭有氣候而起坐日熱不可忍乞冷飲嗣伯以
水飲之一飲一升病都差自爾恒發熱冬月猶單禪衫
體更肥壯嘗有老嫗患滯冷積年不差嗣伯爲診之曰
此月注也當以死人枕煮服之乃愈於是往古墓中取

枕枕已一邊腐缺。服之卽差。又秣陵人張景年十五腹
脹面黃。衆醫不能療。以問嗣伯。嗣伯曰。此石蛻爾。極難
療。取死人枕煮之。乃佳。卽爲煮枕。以湯授之。得大利。出
蛻。垂頭堅如石。服五升卽差。又沈僧翼患眼痛。多見鬼
物。以問嗣伯。嗣伯曰。邪氣入肝。可覓死人枕煮服之。意
可埋枕於故處。如其言。又愈。王晏問之曰。三病不同。皆
用死人枕而差。何也。答曰。尸注者。鬼氣伏而未起。故令
人沉滯。得死人枕投之。魂氣飛越。不得復附體。故尸注
可差。石蛻者。火蛻也。醫藥旣絕。蛻中轉堅。世間藥不能

遺所以頂鬼物驅之然後可散故令煮死人枕也夫邪氣入肝故使眼痛而見魍魎應慎邪物以鈎之故亦用死人枕氣因枕去故令埋於冢間也又春日出南籬開戲聞草屋中有呻吟聲嗣伯曰此病甚重更二日不瘳必死乃往視見一老姥稱體痛而處處有黥黑無數嗣伯還煮斗餘湯送令服之服訖痛勢愈甚跳而投床者無數頂臬所黥處皆拔出釘長寸許以膏塗諸瘡日三日而後云此名釘疽也

兗州刺史徐之才

徐之才雄之子文伯之孫雄自有傳在孝友之才幼而
傷發善醫術兼有機辯少解天文兼圖讖之學有人患
脚根腫痛諸醫不能識之才曰蛤精疾也由乘船入海
垂脚水中病者曰實曾如此爲剖得蛤子二大如榆莢
又有以骨爲刀把者五色斑爛之才曰此人瘤也岡得
處云於古冢見鬮髀額骨長數寸試剖視有文理故用
之其明悟多通如此之才醫術最高時被命召齊武成
酒色過度恍惚不恒曾病發自云初見空中有五色物
稍近變成一美婦人去地數丈亭亭而立食頰變成觀

世音之才曰此色欲太多虛所致卽處湯方服一劑覺稍遠又服還變成五色物數劑湯疾竟愈帝每發動卽遣騎迎之鍼藥所加應時取効故頗有端執之舉入秋武成小定更不發動和士開欲依次轉進以之才爲兗州刺史及十月帝又病作語士開曰浪用之才外任使我辛苦其月八日勅驛追之才帝以十日崩之才十一日方到已無及矣

驃騎大將軍姚法衛僧垣

父菩提附

姚僧垣字法衛武康人兵太常信之八世孫也父菩提

家高平令。留心醫藥。僧坦幼通治。仕舉爲太醫正。武帝嘗因發熱。服大黃快藥。至尊年高。不宜輕用。帝弗從。遂至危殆。元帝有獲心疾。諸用平藥。僧坦曰。脈洪實。宜用大黃。連湯果下宿食而愈。金州刺史伊婁穆病自腰至。臍似有三縛。兩脚緩縱。不復自持。卽爲處湯三劑。初服卽上縛解。以次盡除。卽爲合散一劑。兩脚疼痺復緩。曰。霜降。此患當愈。旣而果然。後仕至驍騎大將軍。開府儀同三司。封長壽縣公。爲集驗方十二卷。二子察。最自有傳。

智永

僧智永，工書師。七世祖逸少，於永欣寺樓上積年學書，業成方下有禿筆頭十籠，籠盛五百人來覓書者如市，戶限爲之穿穴，乃用鐵。業衰之人遂稱其書爲鐵門限。後取筆頭瘞之，號退筆冢。嘗寫真草千文八百本，江南諸寺各留一本。虞監云：一字值五萬，同時有智果亦工書，結體瘦健。隋煬帝甚善之，嘗謂永師曰：和尚得右軍肉智果得右軍骨。

隋 共三人

舒綽

舒綽東陽人精地理家言時宰相楊恭仁欲遷葬會陰陽家五六輩皆海內知名恭仁未之決遣微解者馳往取四隅土各一斗方面形勢悉書於曆密緘之恭仁出土示衆言人人殊獨綽定一土此筆識之與恭仁所書之曆無毫髮差綽曰此土五尺外有五穀得其一卽是福地世爲公侯恭仁延綽至京掘地七尺得一穴如五石甕貯粟七八斗是地昔爲粟田蟻啄之入穴故然當時以綽爲聖

廷尉解沈法朗僧昭

沈僧昭字法朗，吳興人。少事天師道士，常以甲子甲午
日夜着黃冠，熏於私室，時說人吉凶，頗有應驗。自云爲
泰山錄事，幽司有所收錄，必僧昭署名。中年爲山陰縣，
梁武陵王紀爲會稽太守，宴坐池亭，蛙鳴聒耳。王曰：殊
廢絲竹之聽。僧昭咒厭十許口，便息。及日晚，王又曰：欲
其復鳴。昭曰：王欲已闌，今恣汝鳴，卽便喧聒。又嘗校獵
中道而還，左右問其故，答曰：國邊有事，須還處分。問何
以知之，曰：向聞南山虎嘯，知耳。俄而使至，復謂人曰：吾

昔爲幽司所使，實爲煩碎。今已自解，乃閉匣出黃紙書。上有一大字，字不可識。曰：教分判如此。及太清初，謂親知曰：明年海內喪亂，生靈十不存一，乃苦求東歸。旣不獲許，及亂，百口皆殲，位止廷尉卿。

吳嶠

吳嶠，雪溪人，精於天文。袁天綱師事之。煬帝時嘗過鄴中，告其令曰：中星不守，太微主君有嫌，而王氣流萃於秦地。子知之乎？令不之信。卒之煬帝不返，而唐高祖起義太原，始知其言之不誣。

唐

共六人

沈七

沈七越州人善卜李丹員外謂之曰聞消息李侍郎知政事某又得給事中如何沈七云李侍郎即被追不得社日肉喫後此無祿公亦未改不得給事中其時去社纔十四日果有勅追李侍郎去社兩日而上道至汴卒李亦不得給事中如其言

陳昭

陳昭婺州人善姑布子卿之術僕射房瑄相國崔胤

木

先朝聖

賈欽睦州官昭見之云二公他日並爲宰相然崔公爲
一大使來江左及至德初明皇入蜀房崔二公同時拜
相崔後爲選補使執行江東如昭言

徐惟嶽嶠之

父師進子浩孫璿規附

徐嶠之字惟嶽會稽人父師道精於翰墨嶠之能世其
學爲人有氣節嘗面謁張易之終洛州刺史正書入妙
行書入能今閣帖所摹春首帖是洛州時書甚有大令
恣態常書告身米元章曰唐官誥在世爲徐嶠之體殊
不俗子浩字季海少受筆法於父常書四十二幅屏風

八體皆備其期風動秋草邊馬有歸心十數字草隸
恭皆爲精絕世狀其法曰怒猊抉石渴驥奔泉米元章
曰浩書如蘊德之士今世所傳聖德感應碑頌是浩書
書述書賦云廣平之子令範之有煙姪鍾前途進玉
澗古迹記末云臣長男璿臣自教授幼勤學書在於
行頗知筆法使定古迹亦勝常人又于嘏亦工於行
在曼卿得其石刻屢稱於人四書書名世罕其儔

辨才

僧辨才姓黃氏潁川空昂之孫智永之弟子也臨其

書逼真。百家技藝悉造其妙。實愛蘭亭真迹。太宗嘗
之不與。用御史蕭翼賺得之。遂命馮承素韓道政等
搨數本。分賜皇太子諸王近臣。而一時能書如陳虞褚
諸公皆臨榻相尚。後太宗不豫。命太子以蘭亭從葬。昭
陵今馮承素輩所搨之本在者一本。尚直錢數十萬。

陳闕

陳闕會稽人。善書。尤長於寫照。開元中。召入供奉。每令
寫御容。妙絕當時。嘗受詔寫太清宮肅宗像。不惟得龍
章鳳奕。日角月宇之狀。而筆力道澗。風采英逸。合符應

璿天假其能。圖立本之後。一人而已。又嘗爲徐侍郎。本行經幡二口。有女能織。成妙絕無並。玄宗令京兆韓幹師圖畫馬。唐畫斷云。陳閔親之於前。韓幹繼之於後。寫濕漉之狀。不在水中。移騾裏之形。出於天上。韓故居神品。陳兼寫真。居妙品上。

孫處士位

孫位會稽處士。有道術。兼攻書畫。皆妙。得筆精。僖宗丙午之年。隨駕止蜀。曾於應天寺門左壁。画天王部從。其神奇偉筆勢狂縱。三十餘年。無有敵者。景煥其先亦工。

書。圖嘗與翰林歐陽學士聯騎同遊。茲寺偶回右壁。未
王以對之。渤海某公觀其逸勢。復作歌行一篇以紀之。
續有草書僧夢龜後至。又請書之於廊壁上。書。圖歌行
一日而就。傾城人看。真。相。寺。中。成。都。號。爲。應。天。三。絕。

五代

共三人

吳仁璧女

吳仁璧女。越人。少能詩。兼明玄象。陰陽之學。天復中。仁
璧登進士。居於家。甚貧困。間嘗佯狂乞於市。女曰。大人
慎出入。恐罹網羅已。而錢武肅王命撰其母墓銘。仁璧

不從。遂被繫。女泣曰。文星失位。大人其不免乎。遂併焚。沈之東小江。女時年十八。

陸冕 唐希雅附

陸見嘉興人性疎逸。善画。多寫村野人物。酒後過筆。揮灑略不預構。時南唐李璟聞冕名。欲召之。人謂其嗜酒。無人臣禮。由是不召。時桐邑有唐希雅者。妙於画竹木。工李後主金錯刀書。有一筆三過之法。雖若甚獲。而生神有餘。喜作荆檟。荒野氣韻蕭疎。多得其趣。非圖画家繩墨所拘也。

宋 共三十五人

書學博士孫景璠

孫景璠杭州水軍工於古文嘗篆千宇文作五十餘體
太平興國八年獻於朝太宗善之詔取去黜文隸御書
院宰相宋琪請授以官太宗曰爵祿非所惜也顧此人
面痕尚在豈稱冠帶乎琪固言之乃授國子書學博士
王肇卿伋

王伋字肇卿一字孔彰其先汴人祖訥因議王朴金雞
曆有差象拂之貶江西贛州因浪遊江湖愛龍泉山水

遂家於松源，攸生而穎悟，幼業舉子，不售，遂弃去，精管
公明郭景純地理之學，納交於何管鮑張諸家，爲之卜
葬，隨有何太宰管樞密鮑置制張諫議者，出卒後門人
葉叔亮傳其所著心經及問答語錄，范純仁跋之，略曰
先生通經博物，無媿古人，異乎太史公所謂陰陽家者
矣。

吳傳朋說

吳說字傳朋，錢塘人，師禮子，揚州布衣王逢原之甥，逢
原有高名，爲王介甫所重，女嫁師禮而生說，善楷書。

傷生稱其深。稱端。謂非近世怒張筋脈。屈折生柴之態。
丸里松字乃其所書也。身原貴於易之。編書至十數。而
平莫能及。遂命以金飾之。

李明甫

李明甫東陽人。善醫。尤精鍼法。義烏令病心痛垂死。明
應視之。曰。有虫在肺下。藥所不及。惟砭乃可。然非易也。
遂濡於背。上點穴。審取水以暎之。令方驚而鍼已入。目
虫已死矣。既而腹大痛。下黑水數升。虫亦去。遂愈。

毛會

毛會遂昌人工書人物得陸探微吳道子筆法嘗遊廣仁院佛殿潛書一婦人乳嬰兒於壁間每夜輒聞兒啼衆皆疑之一日會復至院僧語及會笑曰若欲止啼其易乃以筆添乳入口自後啼聲遂絕人以爲神筆

釋仁

釋仁永嘉人善画松一夕夢看四百條龍自是臻於神妙每醉揮墨醒後補之形狀極於奇怪嘗醉永嘉市額粉壁新巧取扶盤帚濡墨洒其上來日略略點染爲狂根枯枿極槎枒輪囷之勢人伏其神

進士盧碩父鴻

盧鴻字碩父，金華人。舉進士，善仙卜。鄉人周師銳既中，省問之，曰：「當魁多士。」且曰：「然讀程易師卦已而延對問，師律之旨，遂爲武舉第一人。」又善驅邪，有條桑者，忽墮地，嘔血死。鴻曰：「行持可也。」宜靜聽之。頃四山皆鬼叫，病者忽呻吟，復嘔血數升而甦。

吳應能

吳應能，龍泉人。奉靈官道士，雜用符水治病，輒愈。祈禱請禱，其應如響。崇寧中，上聞而嘉之，給驛召見，獻術甚

青上優寵命改奉靈官爲天宰萬壽之官。御書額賜之。
仍賜號洞元妙應先生尸解賜葬隱真觀後。

張司農卽之

張卽之。蕭山人。恭知政事。孝伯之子。以父蔭。歷官司農。
丞。授直秘閣。致仕。書名滿天下。金人極愛重之。懸餅金。
購募。喜作摩窠大字。不一時。轉書一幅。絹尤工。飛白。且。
謂得中郎遺法。

范復初疇

范疇。字復初。金華人。得江西張九牛著易之占神妙。蓋。

測杭有無藉子胡婆壽負罪而逃官督責殊嚴捕者詣
疇求筮卦成疇曰是去不遠可於北方樹木中索之如
言迹至臨平果獲於空楊柳樹中遂繫獄後會赦出欲
報疇持刀晨扣疇門給以買卜欲殺之疇決以占知將
不利於已隔門語之曰欲問卜者可放下手中刀胡聞
之駭服循以刀劃其門而去疇由是避居吳門設肆賣
卜疑者來問莫不神異

項彥升舉之

項彥升字舉之甫七歲爲迷昌紫極觀道士大觀庚寅

往汴京會九成宮金明池。因旱而涸，詔符召池中龍，舉之，挺劍結步池水，卽湧溢。有七巨魚浮水上，如北斗之次，雨隨霑足。詔改觀爲紫極壽光宮，賜殿額及田租。政和丁酉，召赴闕，授紫虛大夫，葆光殿校籍，爵秩視朝散大夫。

金紫良醫陳沂

陳沂，其先汴人。當唐乾寧時，有曰仕良者，以醫名於時。奉勅修聖惠方，流播海內。仕至尚藥局奉御。子孫遂世其業，建炎中，扈蹕而南，遂爲錢塘人。沂嘗治康王妃危。

疾有奇効。賜御前羅扇。凡官中有疾。欲不時召之者。持扇入禁中。金吾關寺不得沮止。仕至翰林金紫良醫。

大醫丞錢仲陽乙

父穎附

錢乙字仲陽。吳越王俶支屬也。父穎善醫。然嗜酒喜賭。一旦東之海上。不反。乙方三歲。母前死。姑嫁呂氏。哀而收養之。長誨之醫。乃告以家世。卽泣請往。跡尋父。凡八九反。積數歲。竟迎父以歸。時已三十年矣。鄉人重其孝。多賦詩詠之。其事呂如事父。呂沒無嗣。爲收葬。行服乙始以顛顛方著名。至京師。視長公主女疾。有奇効。後

林醫學皇子病瘵癥進黃土湯而愈神宗召問黃土所以治疾狀對曰以土勝水水得其平則風自止帝悅擢太醫丞賜金紫由是公卿宗戚家延致無虛日廣親宗子病診之曰此可勿藥而愈其幼在傍指之曰此且暴疾驚人後三日過午可無恙其家恚不答明日幼果發癩甚急召乙治之三日愈問其故曰火色直視心與肝俱受邪過午者所用時當更也王子病嘔泄他醫與剛劑加喘焉乙曰是本中熱脾且傷奈何復燥之將不羸前後溲與之石膏湯王不信謝去信宿寢劇卒知言

效有士人病欬而面青光氣哽哽乙曰肝乘肺此逆候也若秋得之可治今春不可治其所哀強子藥明日曰吾藥再瀉肝而不少却三補肺而益虛又加唇白法當三日死今尚能粥當過期居五日而絕又乳婦因恁而病既愈目張不得瞑乙曰黃郁李酒飲之使醉卽愈所以然者目系內連肝膽恐則氣結膽衡不下郁李能去結隨酒入膽結去膽下則目能瞑矣飲之果驗乙本有羸疾每自以意治之而後甚歎曰此所謂周痺也入臟者死吾其已夫既而曰吾能移之使在未因自製藥

日夜飲之。左手足忽孛不能用。喜曰。可矣。使人登東山。得茯苓大如斗。以法啖之。盡。由是雖偏廢而風骨悍堅。如全人以病免歸。不復出。乙爲方。不名一師。於書無不窺。不靳。靳守古法。時度越縱捨卒。與法會。尤遠本草。精書辨正。缺誤或得異藥。問之必爲言。生出本末物色名貌差別之詳。退而考之。皆合。末年學痺。寢劇。知不可爲。召親戚訣別。易衣待盡。遂卒。年八十二。

韓槿

韓槿臨安人。精於星卜。多奇中。紹興庚辰春。曾侍郎

躬暨呂太史伯恭至其肆則先一人在焉問其姓宗子也次第講命首言趙可至郡守却多貴子不達者亦卿郎次及曾則曰命甚佳有家世有文學有政事亦有官職只欠一事終身無科第次至呂問何幹至此呂曰赴試曰去年不合發解今安得省試曰赴詞科曰却是詞科人但不在今年詞科別有人矣後三年兩試皆得之且不失甲科叩其何所至沉吟良久曰名滿天下可惜無福已而其言皆驗趙名待仕至岳州守其子汝遠爲尚書遠遠過皆卿監郎曾名遠吉甫文清公之子能世

其家舉進士不第。至從官以沒。呂太史隆興癸未。謫榜南宮第七人。又中宏詞科。爲儒宗。不幸得末疾。卅十六歲而卒。其術之神驗如此。

宋彥誠棟

宋棟字彥誠。鄞人。初本江南士子。靖康初。携家逃難。行抵明越之界。萬山嵯峩。望一石室。壁立千仞。規合其中。忽有老父曰。此聖公岩也。神人居之。上每有金鼓聲。轟地。猛獸守其窟。不可往也。棟曰。吾止平地。而遇寇。必無幸者。匿此中。未必死。於是弃擔持楸。緣崖魚貫而進。屋

旬有五。日絕無可怖者。而岡領秀出泉石。清泚真仙。靈
所居望岩竇。數有異光。疑之。因梯竹以上。得一石匣。鍊
鑄甚固。一劍橫其外。啟之中有書。與甲言。役鬼神治病之
術。寇退奉之。以去。設壇而事之。自是役鬼神如反掌。最
異者能追魂診脈。人有病妻。則診其夫。父則診其子。有
祟。則以法治之。無祟。吞符亦安。合沙鄭瓚。嘗伺其作法。
往觀焉。見其據案而坐。運指於神。噴水於口。以桃菊麾
使。而鬼神自至。訊鞠論報。若官府然。問曰。此何法也。樓
曰。非法也。周天大數也。大術所謂成變化而行鬼神也。

成變化者數之方也。行鬼神者數之圖也。棟妻戴氏妊
幼子神降於奉化張氏。言上帝使續棟法。某日則生。戴
亦夢一道士頓有珠。曰上帝使爲而子代天行法。俄人
於懷如期不血而生。鄭瓚據其實記之。

王彥昭克明

王克明字彥昭。其先饒州樂平人。後徙居湖州。遂占籍
爲烏程人。初生乏乳。母餌以粥。遂得脾胃疾。長益甚。醫
以爲不可治。克明自讀難經。素問。以求其法。刻意處藥。
其病乃愈。始以術行江淮間。入蠡湖。鍼灸尤精。診脈者

難療者必沉思得其要然後予之藥病雖數證或用一藥以除其本本除而餘病自去亦有不予藥者期以某日自安有以爲非藥之故過在某事當隨其事治之言無不驗士大夫皆自屈與游魏安行妻風痿十年不起克明施鍼而步履如初胡秉妻病內秘腹脹號呼逾旬克明視之時秉家方會食克明日吾愈恭人病使預會可乎以半碗圓碾生薑調乳香下之俄起對食如平常廬州守王安道風禁不語旬日他醫莫知所爲克明令灸炭燒地瀉藥置安道於上須臾而蒸金使黑鹿谷瀉

姑蘇病傷寒垂死克明治之明日愈及從徐度聘金
鹿谷適爲先排使待克明厚甚克明訝之谷乃道其故
由是名聞北方後再從呂正已使金金接伴使忽被危
疾克明立起之却其謝張子蓋救海州戰士大疫克明
時在軍中全活者幾萬人子蓋上其功克明力辭之克
明頗知書好俠尚義常數千里赴人之急初試禮部中
選累任醫官後遷額內翰林醫痊肩賜金紫紹興五年
卒年六十有七

工部侍郎馬和之

馬和之錢塘人紹興中登第善畫人物山水筆法飄逸
務在華素自成一家高孝兩朝深重其畫毛詩三百篇
每篇俱圖一圖官至工部侍郎

邢氏

邢氏紹熙間以醫名於杭術業甚奇時韓侂胄知閣門
將出使俾之診脉曰和平無可言所可憂者夫人耳知
閣回報日恐未必可相見也韓妻本無疾惟其妄誕不
倫然私憂之洎出疆甫數月而其妻果報卒矣朱勝非
子婦偶小疾命視之邢曰小疾爾不藥亦愈然不宜孕

孕必死其家以爲狂言。及一歲，朱婦得男。其家方有抱孫之喜，未彌月而婦疾作，急召之，堅不肯來。曰：去歲已嘗言之，勢無可療之理。越宿而婦果卒。

富春子孫守禁

孫守禁，富春人。生七歲，病瞽，遇異人教以風角鳥占之術。其法以音律推五數，播五行，測度萬物，始終盛衰之理。凡問者一食頃，輒知休咎。守禁既悟，異人授以鐵笛，遂去，不復見。守禁因號富春子。吹笛於市中，市中人不異也。然其術率驗。周坦未第時，坐市肆，厲聲誦僕禁。

揖曰狀元何怒也坦不答後果廷試第一嘗寓廣陵達
者如市有人於稠伍中伸一臂與之守箠執其手曰冀
朝奉別十年何乃抵此衆皆驚歎蓋一搯其骨終身不
忘其或持金玉請辨其色摩娑之頃美惡立判寶慶間
游吳興聞樵樓鼓角聲驚曰旦夕且有變土人當有典
郡者適見里人王元春因賀之曰旦夕鄉郡之除必君
也元春初不之信越兩月潘丙作亂王果以告變之功
與郡自是富春子之名大顯淮南帥李魯伯薦諸朝歷
至謁丞相史嵩之闕者以晝寢舜子桀曰丞相方鈞魚

國池焉得云爾。聞者驚異。入白丞相。丞相一見。頗喜之。自是出入相門。一日庭鵲噪。令占之。曰。來日曠時當存寶物。至明日。李全果以王柱斧爲貢。嵩之又嘗得李全書藏袖中。詢其事。守榮曰。此李全詐假布囊三十萬。爾剗封。果如其說。士大夫咸詢履歷。守榮不盡。私謂所知。曰。吾以音推諸朝紳。互有羸縮。宋祿其始終乎。是以此深忌之。詎以他罪貶死遠郡。

耿聽聲

耿聽聲亡其名。錢塘人以聲音占。故稱聽聲。然兼能嗅。

衣物以知吉凶貴賤德壽聞其名取官人扇百餘雜以
上及中官所御令小黄門持叩之耿喚中官扇云此聖
人也然有陰氣至上扇乃呼萬歲上奇之呼入北宮又
取妃嬪珠冠十數示之至一冠奏云此有尸氣時張貴
妃薨此其故物也夏震徵時嘗爲殿岩餽酒於耿耿聞
其聲知其必貴遂以女妻其子後時郭棣爲殿帥耿謁
之曰君部中有三節度使他日皆爲三衙扣爲何人朋
曰周虎彭輅夏震也虎輅時皆爲將官獨震方爲帳前
佩印官郭曰周彭地步或未可知震安得遽爾乎耿曰

善所見如此可必也。已而悉驗人皆服其先見。

國院待詔林椿

林椿錢塘人。工國花鳥翎毛。瓜果傳色輕淡。深得造化之妙。淳熙中國院待詔。賜金帶。

進士錢舜舉選

錢選字舜舉。烏程人。舉進士。善詩。國尤工花卉設色。有嫣然之態。論者以錢舜舉。國趙子昂。字馮應科。筆爲具。與三絕。

劉松年

劉松年錢塘人紹熙間待詔國院師郭禮工画人物山水神氣精神名過於師寧宗朝進耕織圖稱旨賜金幣院画中絕品也

國院待詔李嵩

從子永年附

李嵩錢塘人李從訓養子工画山水人物道釋得從訓遺意尤長於界畫光寧理三朝待詔國院從子永年能世其學

待詔夏禹玉珪

子森附

夏珪字禹玉錢塘人寧宗朝待詔賜金幣善画人物

釀墨色如傅粉筆法蒼老墨汁淋漓雪景學范寬院中人畫山水自李唐以下無出其右者子森亦工山水

画院祗候樓觀

馬遠遠于麟附

樓觀錢塘人工画花鳥人物山水得夏珪筆法傅色亦絕似之咸淳間画院祗候與馬遠齊名馬遠其先河中人後居錢塘工山水人物花鳥種種臻妙獨步画院光寧朝授待詔子麟能世家學然不逮父遠愛其子多於已画上遇作麟画盖欲麟得譽故也亦爲画院祗候

夏巨源

夏巨源精卜筮。居臨安中。瓦紹熙間。有自贛造朝而道。其文劄者。卜之。夏爲作食堯二字。且曰。獲在。多口。守以。鴛鴦無虞也。其人莫識。所謂。旣而。僕從。饒州。持所遺。夏果妻。福安。收。藏。鴛鴦字。篋中。始服其神術。

羅子敬知悌

羅知悌字子敬。錢塘人。明辨博學。以醫侍。穆陵甚見寵。遇宋亡。隱居。頗自尊貴。少與人接。丹溪朱彥修素志醫。學。綿歷江湖。淮甸不遇明者。還至武林。遇知悌。俟門下。三載始得見。知悌念其誠。盡以其術授之。彥修遂以醫。

名東南知梯能詞章善揮翰貧病無告予之藥無不愈者仍賸以調理之資

穉仁伯清

穉清字仁伯世傳秘術善療金瘡骨損初父由汴扈蹕南渡時方戎馬蹂躪全活甚衆及北虜入寇帥臣請俱值兵潰因失所在事聞命清攝職年未冠蚤詣先業已而官中有折肱者他醫莫措清爲整治完好如昔禁掖詔曰小小穉真能接骨邢壽皇躬親嚙射時有誤損應期而瘳中外益重之先是大江以南良醫故鮮正骨一

科尤所罕觀。清旣著名。日有扶疾就視者。續斷起廢。輒見奇效。

趙必復初陽

趙初陽字必復。籍雲人。生而神異。右掌有雷使二紅字。學道術。能役鬼神。治疾無不愈。歲旱。呼吸可致雷雨。時令小兒伸掌。書一雷字。握之。開手。則雷鳴。兼能辟邪。嘗賣雨於臨安市。墨汁兒符。雨點皆黑。人皆稱爲趙雷使先生。

李立之

李立之臨安人在宋以小兒醫擅名一時有嬰兒忽患瘡求治立之令以衾裹兒乘高枝之地兒不覺大驚遂發聲能言問之曰此乳搐心也非藥石所能療其術之高大率如此

毛存

毛存杭州人父伯益坐韓侂胄黨流嶺表卒跋涉千里函骨歸葬人稱篤孝善墨竹水石如楊中齋裴德游諸人皆宗之

毛梓孫

毛梓孫松陽人好軒岐家術受業於顧希武時御史哥
叔潤病瘵環醫無措梓孫投一劑立愈程恩與病惡寒
已易簣梓孫曰是尚可生也使掘竅置火設竈令卧其
上覆以重衾用釜煮藥蒸之未幾病者蹶然起坐其神
異多類此人以神醫目之邑令洪斌序其事
元 共二十四人

張德元

張德元不知何許人元初嘗爲諸暨州吏月避亂居山
陰有奇術善觀字知吉凶生一子名之曰槐忽謂友人

是見必死。槐字木傍，鬼非死兆邪。未幾見果卒，其友親以豐字示之。德元曰：死矣。明日訃至，或問其故。德元曰：豐字山墓所也。兩丰封樹也。豆祭器也。墓既成矣，尚欲生乎。徐總制書字問德元。德元曰：據字。今夕君當納棺。徐歸，其夫人呼一婦人出拜，乃乳媪也。嘗飲劉彥昭家。曰：今夕復有客已而客至，問之。德元曰：吾聞絲鼉聲，知耳。

馮道助

馮道助，心陰人，善幻術。凡里中犬隨人者，道助捕之，置

狂獗以死。有村夫板築道側，見行者偶妨其業，則詈之。道助摘草置其上，已而所築連堵皆潰。三江戍卒侮之，遜謝不與較，但引之坐石橋上。道助既去，戍卒踰時不能起。道助行三十里許，摘草與樵者曰：「某橋上有戍卒數人，可以此草與之。」樵夫如言，戍卒始能去。嘗至丁墟，呼農夫渡，不得遂，幻雙鯉躍田中，見者取鯉禾盡蹂躪。又嘗暑行至顧埭，乞瓜於圃人，弗與。蔓中忽走一白兔，行者爭逐之，瓜蔓亦盡傷。後符錄事發覺，有司遣人往捕，適與捕者遇於途，取捕者公牒去，而捕者忽然不見。

後不知其所終。

陳宗山

陳宗山平陽人，少穎悟，及長，究心曆數，遍遊江湖，未得其要，及歸，欲受業於陳時敏。時敏卒，得遺書，研精覃思，得不傳之妙。於文字間，時敏之徒所推，曆多有舛訛。宗山校正之，十數年，言曆者皆推宗山。

鮑原禮敬

鮑敬，字原禮，山陰人。善畫人物，亦善花木禽魚。嘗爲人圖牡丹，恣態天然，牛效李迪。

楊子固推翰

楊推翰字子固，諸暨人。繼祖之後，兄善水。墨蘭竹爲畫，尤思所推。

張夢庚

張夢庚，松陽人。遇異人授易。元末，召居將幕，推步有驗。後復垂簾於市。賣卜。一日，有紫蠶者，無子，多娶妾，求於庚。以詩二句授之，曰：不是槐花食結子，更教人恨五更。蜂游歸，謂此老風字，且不識，何酸理數乎？其人萎蜂數十筒，一旦蜂逸，冒而收之，忽集其面，螫而死。人以爲神。

劉資深

戴州附

劉資深永嘉人世精醫學元初郡大疫太守肩輿迎之
所療應手而愈與戴州齊名州曾治謝后疾立愈后
喜謝其家世知爲少師文端公漢之孫以女妻之宋
祚移駐事二姓遂隱去

黃子父公望

黃公望字子久富陽人聰敏絕倫通百氏說尤工國山
水運思落筆氣運流動畫家有極力不能追者每擬其
爲僂人得其中紙皆寶之至元中浙西廉訪使徐琰

爲書佐未幾弃去更名堅號一峯又自稱大癡道人於
浪江湖年八十餘卒

吳先生

吳先生不知其名或云崇德人善易筮日惟一課得錢
米衣肉共置一窟中時爲人竊去不問也無錫戴士先
母病瘳不能行七八年矣百計求愈疾不驗士先歸爇
崇德携百錢訪之吳曰觀君寒士百錢豈易無用許自
爲筮卦成曰當得有道之士治之則可姑蘓杲道人不
爲勢利所誘君純孝徃敬求必如志士先抵蘓五旬杲

邊杲道人士先語其故拜懇之道人欣然至無錫爲其
母診視數日卽能移步母拔金釵謝之笑曰且寄夫人
處他時要卽取之但館我於外足矣館之歲餘忽言曰
我且死幸嚮所寄釵以辦棺窆明日果死戴氏奉其骸
及將窆中已空空矣異蓋異人也鄉人至今能言之

秦州知州王叔明蒙

王蒙字叔明仁和人家住黃雀山故號黃雀山人趙子
昂錫也仕至秦州知州能詩善画画學董巨源得用墨
法秀潤可愛亦善人物瀟洒文雅平生無絹画惟於紙

上作之其得意之筆常用數家篆法山水多至數十重
樹木每画數十樣峯巒重疊徑路迂迴林木叢茂烟霞
微茫曲盡山林幽致坐對其画恍若在名山勝水間也
實鑒家評其所作當爲元画中第一今片紙遺墨人不
吝數十金收之

金一之應桂

金應桂字一之錢塘人儼宋爲縣令宋亡隱居風篁嶺
書法歐陽率更画學李龍眠俱入龍品性高亢不輕爲
人下筆故傳世者絕少

吳孟思齋

吳齋字孟思，杭人。居崑山，工翰墨，精篆隸，遠近慕之。世輒爲好事者邀止，止或彌月。爲人外和內介，所交多達官，而絕無求薦意。士紳以此嚴重之。卒於崑山。

陳仲美琳

陳琳字仲美，錢塘人。善山水人物花鳥，俱師古人，無不臻妙。臨摹古畫，咄咄逼真。蓋趙魏公相與講明，多所資益。故其画不俗。論者謂宋南渡二百年，工人無此筆也。

馮道君

馮君道錢塘人。画花竹翎毛。性酷嗜鶴。常袖籠之。觀其飲啄。以資画笔。

王恩善釋

王釋字思善。自號痴絕。其先隍人。後居杭之新門。篤志好學。雅有才思。在諸生中。年十二三。已能丹青。亦善寫。繪。繼得其中。顧厨道開發。不徒得其形似。亦且得其神氣。函家人多稱之。

承應法師陳可復

陳可復。定海人。生而疎爽。丰骨不凡。有林生善。役雷。恣

酒自喜有問其法輒斥去可復晝夜承事林嗜酒每爵
衣以奉繇是卒得其術至元中鄉大旱禱繪莫應有戲
之曰陳道士能召雷命至官庭將候其不驗侮辱之可
復以法興雲湏臾雷電大作雨甚霑足嘗主教邠之玄
妙觀時值中秋有方士宵觀賞月可復不預戲以墨水
噴林頃卽烏雲掩月而雨暴用坐客驚散衣盡緇矣衆
知其所爲廷之入席雲霧盡散月復朗然其響應神速
皆此類也既而名聞京師召爲承應法師世祖偉其貌
命治足疾可復曰疾深不可除臣有禁架術願試之試

之良愈。復命止風。風返却。祈雪。雪立至。從上巡幸。幾十年。卒京師。追封爲誠明朝教太極真人。

王若水淵

王淵字若水。錢塘人。幼學丹青。趙文敏公以画傾一時。淵得與之游。故博色特妙。天曆中。國集慶龍翔寺兩廡。壁高三丈餘。難於着筆。時都下劉總管命於門上画二鬼。淵粘紙画之。劉曰。其如手足長短何。若水不得其理。因再拜求教。劉曰。但先配定尺寸。画爲裸體。然後加以衣冠。則不差矣。若水依法爲之。果善。筆法皆師古人。無

一筆院體山水花鳥人物一一精妙。至於水墨花鳥竹石尤絕藝也。

錢九五

錢九五淳安人。居蜀阜。幼習五雷天心正法。採樵山中。有雷部神爲孕婦所魔。九五爲之解釋。始得上昇。因授以呼雷法。嘗求桑於江村。人弗得。遂書江村風拔木數字焚之。頃臾大風。盡拔其木。時縣苦旱。尹俾祈雨。應禱而降。遂往龍虎山受籙。道逢二老對奕。陵以數果。精爽倍常。命拔一松倒種之。誓曰。此松活則法可傳。九五乃

往及回則二老猶在而松固無恙也授以四石子戒以
勿啓頃之石子錚錚有聲啓之則雙蝶颺去僅存其二
自後有二神人呵護之一日聞張天師至九五方飲酒
戲以栗壳置杯中咒之天師舟不得發詢故致謝乃得
上後如廁失持溷籌呼帥將則籌如蠟集而神亦不復
至矣今所居法水井猶存

僧若芬

仁濟附

僧若芬字仲石婺州曹氏子爲上竺寺書記募寫雲山
以寓意求者漸衆然若芬不以之自矜嘗曰錢塘八月

湖西湖雪後諸峯極天下偉觀二三子當面蹉過却求
玩道人數點殘墨何邪歸山家古澗側蒼壁間占勝作
菴扁曰玉澗因以爲號又建閣對芙蓉峯號芙蓉峯主
嘗自題画竹云不是老僧親寫曉來誰報平安其意趣
可想也其甥法名仁濟亦出家上竺書學蘊東坡竹學
俞子清梅學楊補之自謂用心四十年作花園稍聞耳
孤雲處士王振鵬

王振鵬永嘉人工画山水人物尤精界畫文宗詔畫殿
壁稱旨欲官之不受賜號孤雲居士時人重其品爭購

其畫以幣交者屢錯戶外而苟非其人未嘗輕點一筆。近世所傳春明奪標圖極精與清明上河圖同價嘗奉詔作十妃冊藏之內府楊文正公忽於燕市中得之以爲一段奇事什襲而題其後以爲子孫世寶其爲鉅公所重如此。

莫起炎月隲

莫月隲名起炎歸安人幼習舉子業三試有司不利乃着道士服更號月隲入青城山見徐無極授五雷法用是召雷雨破鬼魅動無不驗。雖嬉笑怒罵皆若有神物。

隨之者元世祖遣御史中丞崔彧求異人於江南得之
只賚優厚卒年六十九朱濂爲之傳

抱一翁項彥章晰

項晰字彥章世居東嘉今徙越江自號抱一翁自幼聰
敏好方數外大父世業醫奉父命謁受其書讀之年未
成童已諳誦岐扁素難王叔和脉經稍長學易趙穆仲
葉見山所後以母病醫誤投藥死痛之乃益勵志醫術
欲盡受他禁方聞越大儒韓明善先生爲方善也遂往
拜之盡得所藏方論甚富後更詣陳白雲受五診膏肓

歷試其說皆精。會金華朱彥修來越，出金源劉河間張
戴人李東垣諸書示之，昕獨疑古方不宜治今病之論。
亟往錢塘見陸簡靜，叩之，始悟古今方同一矩度也。後
又往浙右，見葛可久論對藥之學，又往建業，見劉宗素
爲撰五運六氣諸篇授昕。太醫使張廷玉善橋引，凡藥
甚奇非世之所聞也，昕亦得見事之，盡其技，於是爲人
治診病決死生無不立驗。其於爲醫或在杭，或在鄞，或
在閩，在杭爲府史，爲肅政府書吏，在鄞爲帥府令史，在
闕，掾行中書掾行臺，皆以醫見，辟諸貴人，而非所尚。

也。然慮謹繚達之風，雖素素吏事，卓卓當時者，亦皆自謂不能及。斯偉儀觀，美鬚髯，雙目爛爛如電光，天性純孝，父母有疾，扶持保抱，不解帶者旬朔，沒則一遵儀禮，治其喪，平居樂易寬厚，務揚人善，而耻言人過，與人交必盡其誠，平生喜詞章，善真律，工繪圖，而獨以醫顯，所著書有竹齋小稿及脾胃後論，辨誤醫原若干卷，議論宏贍，未及成，子恕能世其業。

兩浙名賢錄卷之四十八終